



Bi' gvaq mboengq guekgingq, gou caeuq daxmeh baema ranzlaux. Ngamq roengz ci, couh dingqnyi ndawmbanj miz sing riu baenz raq baenz raq. Dwg miz gijmaz saeh angqyangz lwi?

Gou riengjret byaij daengz bakmbanj, gou anj lo, neix lij dwg ranzlaux mbanj dou lwi? Ranzlaux mbanj dou youq Majsanh Yen Gujlingz Cin Gyauzlaui Cunh Mbanjluzdwng, yienzlaiz roen ndawmbanj cungj dwg roennamhsa, gumzgumz gamxgamx, danghnaeuz bungz doek fwn, haiz hau couh bienqbaenz haiz henj, haiz ndaem; ndawmbanj nyapnyaj lai dangqmaz.....Hoeng seizneix yiengh mbanj bienq lai lo! Roen bienqbaenz roensuijniz bingz youh gvangq, seuqcengh dangqmaz; song henz roen ndaem miz valwgbaengq ronghsien.

Dwg gijmaz hawj aenmbanj hojndoq dou bienqbaenz yienghneix gyaundeidei ne? Daiq gij

Sing Riu Ndawmbanj

村里的欢笑声

ngeizvaeg neix, gou gaenjgip byaij haeuj mbanj bae. Youq laj gorungz hung gyauejmbanj, bang daxgoeng daxbuz ndeu cingq humx naengh gangjgoj. Yienzlaiz sing riu dwg daj gyoengqde gizhaenx cienz okdaeuj!

“Haeuxyangz ranz dou seizneix sou ndaej lai, daj ngoenzlwenz nyaengq daengz seizneix cij ndaej—hoengq caeuq gyoengqsou gangjgoj!” Lanz daxgoeng riuhehe naeuz.

“Dwg lo! Daj haemhlwenz daengz haxbaenh, cunhcihsuh daiq lauxbanj daeuj cawx haeuxyangz, dou cang le sam aen ci hung.” Lanz daxbuz hix naeuz.

“Lan gou cuengqgyaj, daegdaengq daj ndaw—singz dauqma bang dou sou maenz. De lij naeuz maenz ranzlaux raeuz mboeng、van、hom, youq cauhsi ndawsingz vunz gyaenz cawx lai.” Cangh bohlungz miznaj naeuz.

“Ndwenngoenz mbanj raeuz ngoenz ndei gvaq ngoenz, gaengq mbouj dwg aenmbanj hojndoq lo!” Lij daxgoeng daengj lwgfwngzmeh naeuz, “gyo'mbaiq dangj、gyo'mbaiq guekcoj hawj aenmbanj raeuz ndaej baenzmiz. Dangicunghyangh guh vutgungz gunggeng hengzdoengh, hawj ndwenngoenz raeuz

ngoenz ndei gvaq ngoenz, aenmbanj hix ngoenz gyaundeidei gvaq ngoenz, gyoengq bouxcoz cungj haengj dauqma guhhong lo.”

Sing riu goksasa rwenzchap youq gwnzmbwn aenmbanj, duzroeg gwnzfaex heuh cici, lumjbaenz hix vih aenmbanj dou bienq lengj vuenheij ne!

Dingq daxmeh naeuz, ranzlaux dou yienzlaiz ndoq dangqmaz, guekgya guh vutgungz gunggeng le, ranzmbanj dou ngoenz gyaundeidei gvaq ngoenz、ngoenz miz gvaq ngoenz lo.

“Gyoengq daxgoeng daxbuz, gou dauqma lo. Ranzmbanj raeuz caen gyaundeidei ha!”

“Dwg ha, lwglan ha, gyoengqsou aeu rox gyo'mbaiq dangj caeuq guekgya, roengzrengz doeg—saw, bauqdap guekcoj.”

“Gou haengjdingh bae guh. Gwn raemx mbouj lumz boux vat cingj, dauhleix gou rox.”

“Gou caeuq guekcoj gou, lumj haij caeuq dujva raemxlangh.....” Seizneix gou nyaenx mbouj ndaej naemj daengz diuz go sugrox neix, gou caeuq guekcoj, ranzmbanj sim doxlien.

(Nanzningz Si Sihyanghdangz Gih Vansiu Siujyoz Lanz Dunghhoz)

Daxboh Nyaenma Ak Lai

了不起的狐狸爸爸

bouxraiz Lozwjdwz·Dazwj bouxhoiz Cwz Fanghdingz

罗尔德·达尔 著 翟芳婷 译

(ciep geizgonq)

Doeklaeng, duzvanh ndwn hwnq: “Vaiq bae aeu cenj daeuj, okrengz naeuz ‘ndoet liux’. Gou siengj hawj sou cungj ndwn hwnqdaeuj, vih boux baengzyoux ndei raeuz—nyaenma sienseng ndoet liux, aenvih ngoenzneix dwg de gouq diuzmingh raeuz.”

“Vih nyaenma sienseng ndoet liux!” Gyoengqde cungj ndwn hwnqdaeuj, yaengx cenjlaeuj okrengz hemq naeuz.

Gaenlaeng, maex nyaenma launyaengq ndwn hwnqdaeuj, naeuz: “Gou mbouj siengj youq gizneix yienjgangj, gou dan siengj gangj coenz vah ndeu, couhwdg, gvan gou dwg duz nyaenma ak lai ndeu.”

Daihgya cungj dopfwngz angq hemq nyauznyaenz.

Ciep roengzdaeuj, nyaenma sienseng ndwn hwnqdaeuj lo: “Gijgwn ndeigwn neix.” De hai bak gangj naeuz, liuxle youh dingz roengzdaeuj, de saekwk mbat hunghung ndeu, daihgya cungj dopfwngz riuha.

“Gijgwn gyaundeidei neix, gyoengq baengzyoux gou,” De laebdaeb gangj, “dwg Bozgizsw, Banghswh caeuq Bijwnh sam boux sienseng neix dakdaih raeuz.”

Sing angq hemq caeuq sing riu engq sang lo.

“Gou maqmuengh sou lumj gou nei maij de.” De youh saekwk baez raezraez ndeu.

“Miz heiq lij dwg huz okdaeuj ndei gvaq.” Duzvanh naeuz.

“Gyo'mbaiq mwngz.” Nyaenma sienseng mbe bak riu naeuz, “mbouj gvaq, gyoengq baengzyoux gou, raeuz seizneix baetmaed di. Raeuz lij dwg aeu naemjnaemj, ngoenzcog, ngoenzrawz caeuq gij saeh gvaqlaeng ba. Danghnaeuz raeuz okbae, raeuz couh yaek deng gaj dai, deng lwi?”

“Deng!” Gyoengqde okrengz naeuz.

“Raeuz deuz caengz ndaej mij gya, couh yaek deng cungq nyingz dai.” Duzvanh naeuz.



Doeg 《Canghdwknyaen Haijlizbu》Naemj Daengz

《猎人海力布》读后感



《Canghdwknyaen Haijlizbu》dwg aen gojgaeq saenzgeiz ndeu, cawjgiek doeklaeng mbouj goq dailix bae gouq bouxwnq, daihgya hix rox bauqdap aencingz de, seiqseiq daihdaih、lwglw lanlan cungj geiqniemh boux yinghyungz neix.

Cawjgiek Haijlizbu mingzmingz rox swheij gangjok saedsaeh cingz—gvang le, souciengz mbouj ndei, doeklaeng lij dwg mbouj goq swheij bae gouq bouxwnq. De dai bae mbouj dwg mbouj miz saek di yi, de gouq le engq lai vunz. Youq duenh daihbet duzroeg gangj gvaq gawq vah ndeu: “Dou gienq mwngz daengz gizwnq bae ba! Ngoenzcog goengq bya hung neix couh yaek lak lo, raemxrongz mbouj rox yaek dumh dai geijlai sengmingh ne!” Gangjmingz cainanh yaek daeujdaengz, gij saenzgeiz gojgaeq engq haeng lo. Hawj gou cei qamjdoengh dwg daih—cib’it duenh Haijlizbu siengj: “Cainanh couh yaek daeujdaengz lo, danghnaeuz gou cij goq swheij deuznanh, hawj daihgya souh nanh, baenzlawz ndaej ne? Gou cingznyiengh vutmingh swheij, hix aeu gouq daihgya okdaeuj.” Youq gizneix gangjok de sienhsoh caeuq fouzsei okrengz. Doeklaeng Haijlizbu gangjok gij ginggvaq saedcingz caeuq baenzlawz

ndaej ndaek rin neix, de hix bienq baenz ndaek rin hung ndeu. Gojgaeq doeklaeng, gyoengqvunz ra raen ndaek rin hung Haijlizbu bienq baenz haenx, dawz de buen bae gwnz dingjbya, heuh lwglan cungj daeuj geiqniemh Haijlizbu. Daj gizneix yienh’ok daihgya ndawsim gig ienqhoij, hix yienh’ok gyoengqvunz cinghseuq lauxsaed, gyoengqde gyo—mbaiq Haijlizbu dangqmaz.

Gij cingsaenz Haijlizbu vut mingh gouq vunz, fouzsei okrengz dijndaej raeuz hag. Daj gwnz ndang Haijlizbu, gou siengj hwnj Banzguj cau diendeih, Saenznungz cimz bak nywj, Nijvah lienhrin bouj mbwn, gyoengqde cungj lumj Haijlizbu ityiengh fouzsei okrengz. Gou lij siengj hwnj Leiz Fungh it sim vih yinzminz fuzvu, “daxboh gohaeux” Yenz Lungzbingz, mwh binghra qyoengq boux cansw daenj buhhau mbouj lau dai haenx, gyoengqde cungj miz gij binjceiz caeuq Haijlizbu ityiengh fouzsei okrengz. Raeuz daih vunz neix, hix aeu hag cungj cingsaenz neix, daengzcog hung le vih guekgya vih sevi ok rengz.

(Sanglinz Yen Dafungh Cin Vangzcouh Siujyoz Cinz Yungicunh boux lauxsae son’gyauq Vangz Gvei—yangh)